

სსიპ ღვინის ეროვნული სააგენტოს
2019 წლის 15 იანვრის № 03/02/03-5 ბრძანებით შექმნილი კომისიის სხდომის
ოქმი №1

ქ. თბილისი

6 ივლისი 2022 წელი

სხდომას ესწრებოდნენ:

კომისიის წევრები:

დავით გრიგოლია - სააგენტოს თავმჯდომარის პირველი მოადგილე (კომისიის თავმჯდომარის მოვალეობის შემსრულებელი);

ზურაბ ვაჭარაძე - სააგენტოს თავმჯდომარის მოადგილე;

ზაზა სეთურიძე - სააგენტოს ადმინისტრაციული დეპარტამენტის უფროსი;

თამარ მეტრეველი - სააგენტოს მარკეტინგისა და საზოგადოებასთან ურთიერთობის დეპარტამენტის უფროსი;

ალექსანდრე კობერიძე - სააგენტოს მევენახეობა-მეღვინეობის ანალიზის რეგულირების დეპარტამენტის უფროსი.

მოწვეული სპეციალისტი:

ლევან ბეგიაშვილი - სააგენტოს სამეურნეო სამმართველოს უფროსი.

კომისიის აპარატის წევრები:

პაატა წარიმანიძე - სააგენტოს ადმინისტრაციული დეპარტამენტის უფროსის მოადგილე;

ეკატერინე ნაცვლიშვილი - სააგენტოს შესყიდვების სამმართველოს უფროსი;

თამარ ჯეგაშვილი - სააგენტოს შესყიდვების სამმართველოს მთავარი სპეციალისტი;

სალომე ქურდაძე - სააგენტოს იურიდიული სამმართველოს უფროსი.

სხდომას არ ესწრებოდნენ:

ლევან მეხუზლა - სააგენტოს თავმჯდომარე, კომისიის თავმჯდომარე;

დავით ტყემალაძე - სააგენტოს თავმჯდომარის მოადგილე, კომისიის წევრი;

სალომე მეშველიანი - სააგენტოს იურიდიული სამმართველოს მთავარი სპეციალისტი, კომისიის აპარატის წევრი;

ხათუნა ხაჩიძე - სააგენტოს იურიდიული სამმართველოს მთავარი სპეციალისტი, კომისიის აპარატის წევრი.

დღის წესრიგი:

სსიპ - ღვინის ეროვნული სააგენტოს 2022 წლის სახელმწიფო შესყიდვების გეგმის (ქვეპროგრამა: რთველის ხელშემწყობი ღონისძიებები) ფარგლებში, რთველის საკოორდინაციო შტაბის წევრების და ოპერატორებისათვის ბრენდირებული მასიურების შესყიდვის მიზნით (CPV: 18300000) განსახორციელებელი ელექტრონული ტენდერის, სატენდერო განცხადებისა და სატენდერო დოკუმენტაციის პროექტის განხილვა-დამტკიცება.

მოისმინეს:

კომისიის წევრის ზაზა სეთურიძის ინფორმაცია იმის შესახებ, რომ სააგენტოს ადმინისტრაციული დეპარტამენტის უფროსის მოადგილის 2022 წლის 16 ივნისის №1043-03 მოხსენებითი ბარათის თანახმად 2022 წლის რთველის ორგანიზებულად ჩატარებისათვის, საკოორდინაციო შტაბის წევრებსა და ოპერატორებს ესაჭიროებათ ბრენდირებული მასიურებით უზრუნველყოფა, ხოლო სააგენტოს სამეურნეო სამმართველოს მიერ ჩატარებული იქნა ბაზრის კვლევა (2022 წლის 4 ივლისის №1223-03 მოხსენებითი ბარათი).

ზემოაღნიშნულიდან გამომდინარე, სააგენტოს შესყიდვების სამმართველომ მოამზადა და სატენდერო კომისიის წევრებს გადასცა სატენდერო დოკუმენტაციის პროექტი, რომელიც არის გაერთიანებული CPV – 18300000 კლასიფიკატორის კოდში. აღნიშნული შესყიდვა „სახელმწიფო შესყიდვების შესახებ“ საქართველოს კანონის მე-3 მუხლის პირველი პუნქტის „ჟ“ ქვეპუნქტის შესაბამისად უნდა განხორციელდეს ელექტრონული ტენდერის საშუალებით.

ამასთან, სატენდერო კომისიის წევრებს შესყიდვის სავარაუდო ღირებულების განსაზღვრის მიზნით გადაეცათ ბაზრის კვლევის შედეგები.

აზრი გამოთქვას კომისიის წევრებმა:

კომისიის წევრები დაეთანხმნენ ინიციატივას 2022 წლის სახელმწიფო შესყიდვების გეგმის ფარგლებში, რთველის საკოორდინაციო შტაბის წევრებისა და ოპერატორებისათვის ბრენდირებული მაისურების შესყიდვის თაობაზე, ჩატარებული ბაზრის კვლევის შედეგების გათვალისწინებით მიზანშეწონილად იქნა მიჩნეული, შესყიდვის სავარაუდო ღირებულებად განისაზღვროს 19 550.00 (ცხრამეტი ათას ხუთას ორმოცდაათი) ლარი.

კომისიის წევრებმა განიხილეს კომისიის აპარატის მიერ წარმოდგენილი სისტემაში განსათავსებელი სატენდერო განცხადებისა და სატენდერო დოკუმენტაციის პროექტები.

კომისიამ ასევე განიხილა კომისიის აპარატის მიერ წარმოდგენილი შემდეგი დოკუმენტაცია: დანართი №1 - ფასების ცხრილი, დანართი №2 - ხელშეკრულების პროექტი, დანართი №3 - სატენდერო დოკუმენტაციის პროექტი და აღნიშნა, რომ სსიპ - ღვინის ეროვნული სააგენტოსათვის სხვადასხვა სახის საკანცელარიო საქონლის შესყიდვასთან დაკავშირებით წარმოდგენილი სატენდერო დოკუმენტაცია მისაღებია.

კომისიამ იმსჯელა წარმოდგენილ დოკუმენტთან დაკავშირებით, რის შედეგადაც ერთიან ელექტრონულ სისტემაში განსათავსებელი განცხადება ჩამოყალიბდა შემდეგი სახით:

ტენდერის გამოცხადების თარიღი: 06.07.2022;

შესყიდვის სავარაუდო ღირებულება: 19 550.00 (ცხრამეტი ათას ხუთას ორმოცდაათი)

სატენდერო წინადადება წარმოდგენილი უნდა იყოს : დღგ-ს გათვალისწინებით;

კლასიფიკატორის (CPV) კოდი: 18300000

შესყიდვის ობიექტის რაოდენობა ან მოცულობა: იხ. სატენდერო დოკუმენტაცია;

მოწოდების ვადა: იხ. სატენდერო დოკუმენტაცია;

შეთავაზების ფასის კლების ბიჯი: 1%;

გარანტიის ოდენობა: 1%;

სატენდერო კომისიამ დაადგინა:

1. დამტკიცდეს ერთიან ელექტრონულ სისტემაში განსათავსებელი სატენდერო განცხადება და სატენდერო დოკუმენტაცია კომისიის სხდომის გადაწყვეტილების შესაბამისად;
2. განთავსდეს ერთიან ელექტრონულ სისტემაში სატენდერო განცხადება და სატენდერო დოკუმენტაცია დადგენილი წესის შესაბამისად.

კომისიის წევრები:

დავით გრიგოლია

ზურაბ ვაჭარაძე

ზაზა სეთურიძე

თამარ მეტრეველი

ალექსანდრე კობერიძე

მოწვეული სპეციალისტი:

ლევან ზეგიაშვილი






კომისიის აპარატის წევრები:

პაატა ნარიმანიძე

ეკატერინე ნაცვლიშვილი

თამარ ჯეგაშვილი

სალომე ქურდაძე

პროექტი

სახელმწიფო შესყიდვების შესახებ ხელშეკრულება №-----
ელექტრონული ტენდერი აუქციონის გარეშე (NAT) -----

(წინამდებარე ხელშეკრულება დეტალურად დაზუსტდება მიმწოდებლის სატენდერო წინადადების შესაბამისად)

2022 წ.

ქ. თბილისი

1. ხელშეკრულებაში გამოყენებულ ტერმინებს აქვთ შემდეგი მნიშვნელობა:

1.1 „ხელშეკრულება სახელმწიფო შესყიდვის შესახებ“ (შემდგომ - „ხელშეკრულება“) – „სახელმწიფო შესყიდვების შესახებ“ საქართველოს კანონისა და „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ და სახელმწიფო შესყიდვების სააგენტოს თავმჯდომარის 2017 წლის 14 ივნისის ბრძანებით დამტკიცებული „ელექტრონული ტენდერის ჩატარების წესის“ საფუძველზე, შემსყიდველ ორგანიზაციასა და მიმწოდებელს შორის დადებული ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით და დამატებებით და ასევე მთელი დოკუმენტაციით, რომლებზეც ხელშეკრულებაში არის მინიშნებები.

1.2 „შემსყიდველი ორგანიზაცია“ (შემდგომ „შემსყიდველი“) ნიშნავს ორგანიზაციას (დაწესებულებას), რომელიც ახორციელებს შესყიდვას;

1.3 „მიმწოდებელი“ ნიშნავს იურიდიულ ან ფიზიკურ პირს, რომელმაც შემსყიდველთან გააფორმა ხელშეკრულება სახელმწიფო შესყიდვის შესახებ;

1.4 „ხელშეკრულების ღირებულება“ ნიშნავს საერთო თანხას, რომელიც უნდა გადაიხადოს შემსყიდველმა ორგანიზაციამ მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის;

1.5 „დღე“, „კვირა“, „თვე“ ნიშნავს კალენდარულ დღეს, კვირას, თვეს, თუ ხელშეკრულებით სხვა პირობა არ არის გათვალისწინებული.

2. ხელშეკრულების დამდები მხარეები წინამდებარე ხელშეკრულება დადებულია:

ერთი მხრივ, სსიპ ღვინის ეროვნული სააგენტო (შემდგომში „შემსყიდველი“) იურიდ. მისამართი: ქ. თბილისი, მარშალ გელოვანის გამზ. №6

და მეორეს მხრივ, ----- (შემდგომში „მიმწოდებელი“) შორის.

იურიდ. მისამართი:

3. ხელშეკრულების საგანი

ხელშეკრულების საგანს წარმოადგენს სახელმწიფო ბიუჯეტის სახსრებით (ქვეპროგრამა: რთველის ხელშეწყობის ღონისძიებები) 2022 წლის რთველის საკოორდინაციო შტაბის წევრებისა და ოპერატორებისათვის ბრენდირებული მაისურების (CPV კოდი: 18300000) შესყიდვა ელექტრონული ტენდერის საშუალებით (სატენდერო განცხადების № -----).

4. ხელშეკრულების ღირებულება

4.1 ხელშეკრულების საერთო ღირებულება შეადგენს ----- (-----) ლარს საქართველოს კანონმდებლობით დადგენილი შესაბამისი გადასახადების გათვალისწინებით.

4.2 საქონლის ერთეულის ფასები მოცემულია ფასების ცხრილში დანართი №1, რომელიც ხელშეკრულებას თან ერთვის და მის განუყოფელ ნაწილს წარმოადგენს.

5. მხარეთა უფლება-მოვალეობანი

5.1 მიმწოდებელი ვალდებულია მიაწოდოს შემსყიდველს დანართი №1-ით განსაზღვრული საქონელი შემსყიდველს ხელშეკრულების გაფორმებიდან 10 (ათი) კალენდარული დღის ვადაში სატენდერო დოკუმენტაციაში მოცემული პარამეტრების და პირობების შესაბამისად, მისამართზე ქ. თბილისი, მარშალ გელოვანის გამზ. №6, სსიპ - ღვინის ეროვნული სააგენტო. იგი პასუხისმგებელია მოწოდებული საქონელის ხარისხსა და მოწოდების დროულობაზე.

5.2 შემსყიდველი ორგანიზაცია ვალდებულია მიმწოდებლის მიერ ხელშეკრულებით ნაკისრი ვალდებულებების სრულად და ჯეროვნად შესრულების შემთხვევაში აუნაზღაუროს მოწოდებული საქონლის ღირებულება.

5.3 შემსყიდველი არ აგებს პასუხს მიმწოდებლის მიერ მესამე პირებისათვის მიყენებულ ზიანზე ან ზარალზე.

6. საქონლის მიღება-ჩაბარების წესი

შესყიდვის ობიექტი მიღებულად ჩაითვლება უფლებამოსილი პირების მიერ შესაბამისი „მიღება-ჩაბარების“ აქტის გაფორმების შემდეგ. მიღება-ჩაბარების აქტი ფორმდება წერილობითი ფორმით, მხარეთა უფლებამოსილი წარმომადგენლების კვალიფიციური ელექტრონული ხელმოწერით ან/და ელექტრონული შტამპით.

7. ხელშეკრულების შესრულების კონტროლი

7.1 შემსყიდველი უფლება აქვს, საქონლის მიწოდების ნებისმიერ ეტაპზე, განახორციელოს ამ ხელშეკრულების შესრულების კონტროლი. ასეთ შემთხვევაში, კონტროლს განახორციელებს სსიპ - ღვინის ეროვნული სააგენტოს სამეურნეო სამმართველო.

7.2 შემსყიდველის შესაბამისი წარმომადგენლის (წარმომადგენლები, საჭიროების შემთხვევაში ასევე მოწვეული ექსპერტი) მიერ საქონლის წუნის აღმოჩენის შემთხვევაში, მიმწოდებელი ვალდებულია შეტყობინების მიღებიდან დაუყოვნებლივ გამოასწოროს წუნი. იმ შემთხვევაში თუ არასათანადო მომსახურების (წუნის) გამოსწორება შეუძლებელია და შემსყიდველს უკვე გადახდილი აქვს საქონლის ღირებულება, მიმწოდებელი ვალდებულია შემსყიდველს დაუბრუნოს აღნიშნული არასათანადო (წუნდებული) საქონლის ღირებულება;

7.3 ამ მუხლის 7.2 პუნქტით გათვალისწინებული არასათანადო მომსახურების გამოსწორება უნდა განხორციელდეს ამ ხელშეკრულების ვადის გასვლამდე.

8. მომსახურების ვადები, ხარისხი და გარანტია

8.1 მიმწოდებელი უნდა იძლეოდეს გარანტიას, რომ მიწოდებისას საქონელს არ ექნება ხარვეზი, იქნება ხარისხიანი და სატენდერო დოკუმენტაციით გათვალისწინებული პირობების შესაბამისი.

8.2 მიმწოდებელი ვალდებულია საკუთარი სახსრებით უზრუნველყოს მოწოდებული საქონლის დაბალი ხარისხით გამოწვეული ყველა გამოვლენილი ხარვეზის ან/და დაზიანების გამოსწორება, მოთხოვნიდან არაუგვიანეს 2 სამუშაო დღისა.

8.3 მოწოდებულ საქონელზე უნდა ვრცელდებოდეს საგარანტიო პერიოდი, შესაბამისი მიღება-ჩაბარების აქტის გაფორმებიდან მინიმუმ 6 თვის განმავლობაში.

9. ანგარიშსწორება

9.1 ანგარიშსწორება განხორციელდება შემდეგი პირობებით:

ა) ანგარიშსწორების ვალუტა – ლარი;

ბ) ანგარიშსწორების ფორმა – უნაღდო, ხელშეკრულებაში მითითებული მიმწოდებლის საბანკო რეკვიზიტების შესაბამისად.

9.2 შემსყიდველი იღებს ვალდებულებას გადაუხადოს მიმწოდებელს ფაქტობრივად მოწოდებული საქონლის ღირებულება შესაბამისი მიღება-ჩაბარების აქტის გაფორმებიდან 10 (ათი) სამუშაო დღის ვადაში.

9.3 თუ ანგარიშსწორების განხორციელების ვადის ბოლო დღე ემთხვევა არასამუშაო დღეს, ანგარიშსწორება განხორციელდება მომდევნო სამუშაო დღეს.

10. ფასები

10.1 წინამდებარე ხელშეკრულების მე-4 მუხლში დაფიქსირებული ფასი წარმოადგენს ხელშეკრულების ღირებულებით პარამეტრს, რომლის გაზრდა დაუშვებელია, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა.

10.2 საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში, დაუშვებელია სახელმწიფო შესყიდვის შესახებ ხელშეკრულების ჯამური ღირებულების 10%-ზე მეტი ოდენობით გაზრდა.

11. ხელშეკრულებაში ცვლილებების შეტანა

11.1 ნებისმიერი ცვლილება წინამდებარე ხელშეკრულებაში განხორციელდება წერილობით და დასტურდება ორივე მხარის უფლებამოსილი წარმომადგენლების ელექტრონული ხელმოწერით ან/და ელექტრონული შტამპით.

11.2 თუ წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია შესაბამისი ინფორმაციის თაობაზე შეატყობინოს მეორე მხარეს.

12. უფლებების გადაცემა

12.1 მიმწოდებელს არა აქვს უფლება შემსყიდველის წერილობითი თანხმობის გარეშე მთლიანად ან ნაწილობრივ გადასცეს მესამე პირს ამ ხელშეკრულებით გათვალისწინებული უფლება-მოვალეობანი.

13. ფორს-მაჟორი

13.1 წინამდებარე ხელშეკრულების მხარის მიერ ხელშეკრულების პირობების შეუსრულებლობა არ გამოიწვევს საჯარიმო სანქციების გამოყენებას, თუ ხელშეკრულების შესრულების შეფერხება ან მისი ვალდებულებების შეუსრულებლობა გამოწვეულია ფორს-მაჟორული გარემოებით.

13.2 ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებულნი შემსყიდველის ან/და მიმწოდებლის შეცდომებსა და დაუდევრობასთან და რომლებსაც გააჩნიათ წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნეს ომით ან სტიქიური მოვლენებით, საბიუჯეტო ასიგნებების მკვეთრი შემცირებით და სხვა.

13.3 მხარემ, რომელსაც შეექმნა ფორს-მაჟორული გარემოება, ვალდებულია დაუყოვნებლივ, პირველივე შესაძლებლობისთანავე, მაგრამ არაუგვიანეს ასეთი გარემოების დადგომიდან 5 (ხუთი) დღის ვადაში, წერილობით აცნობოს მეორე მხარეს შექმნილი გარემოების და მისი სავარაუდო აღმოფხვრის ვადის შესახებ, წინააღმდეგ შემთხვევაში იგი არ თავისუფლდება ხელშეკრულების პირობების სრული ან ნაწილობრივი შეუსრულებლობით გამოწვეული პასუხისმგებლობისგან.

14. მხარეთა პასუხისმგებლობა ხელშეკრულების პირობების დარღვევისათვის

14.1 მხარეების მიერ ხელშეკრულებით გათვალისწინებული ვალდებულებების შეუსრულებლობა ან არაჯეროვნად შესრულება გამოიწვევს პასუხისმგებლობას საქართველოს კანონმდებლობის შესაბამისად.

14.2 ხელშეკრულების მე-5 მუხლის 5.1 პუნქტით გათვალისწინებული მომსახურების გაწევის ვადების გადაცილების შემთხვევაში მიმწოდებელს ეკისრება პირგასამტეხლო ყოველ ვადაგადაცილებულ დღეზე გასაწევი მომსახურების ღირებულების 0.02%-ის ოდენობით.

14.3 მიმწოდებლის მიერ ხელშეკრულებით ნაკისრი ვალდებულებების შეუსრულებლობის შემთხვევაში მიმწოდებელს ეკისრება პირგასამტეხლო ხელშეკრულების საერთო ღირებულების 20%-ის ოდენობით, ხოლო ხელშეკრულების ნაწილობრივ შესრულების შემთხვევაში - პირგასამტეხლო შესასრულებელი (დარჩენილი) ვალდებულების შესაბამისი ღირებულების 10%-ის ოდენობით.

14.4 იმ შემთხვევაში, თუ მიმწოდებელზე დაკისრებული პირგასამტეხლოს ჯამური თანხა გადააჭარბებს ხელშეკრულების ღირებულების 10 %-ს შემსყიდველი იტოვებს უფლებას შეწყვიტოს ხელშეკრულება და მოითხოვოს მიმწოდებელისგან ხელშეკრულების შეწყვეტის მომენტისათვის გადასახდელი პირგასამტეხლოს ანაზღაურება.

14.5 პირგასამტეხლოს გადახდა არ ათავისუფლებს მიმწოდებელს ძირითადი ვალდებულებების შესრულებისაგან ან ვალდებულების შეუსრულებლობის/არაჯეროვანი შესრულების გამო წარმოშობილი პასუხისმგებლობისგან, მათ შორის შემსყიდველისთვის წარმოშობილი ზიანის ანაზღაურებისგან.

15. ხელშეკრულების შეწყვეტა

15.1 შემსყიდველი უფლებამოსილია შეწყვიტოს ხელშეკრულება, თუ მეორე მხარე არ ან არაჯეროვნად ასრულებს

თავის ვალდებულებებს, ან კანონმდებლობით დადგენილ სხვა შემთხვევებში.

15.2 ხელშეკრულების ცალკეული პირობების მოქმედების შეწყვეტა არ ათავისუფლებს მიმწოდებელს ხელშეკრულებით გათვალისწინებული ვალდებულებების შესრულებისაგან.

15.3 ხელშეკრულება შეიძლება შეწყდეს მხარეთა წერილობითი შეთანხმების საფუძველზე.

16. დავების გადაწყვეტის წესი

16.1 ხელშეკრულების შესრულებასთან დაკავშირებით მხარეთა შორის წარმოშობილი ნებისმიერი დავა წყდება ურთიერთშეთანხმების გზით.

16.2 მხარეთა შორის (მოლაპარაკების დაწყებიდან 5 დღის ვადაში) შეუთანხმებლობის შემთხვევაში დავას წყვეტს სასამართლო საქართველოს კანონმდებლობით დადგენილი წესით.

16.3 წინამდებარე მუხლის 16.1. პუნქტით გათვალისწინებული მოლაპარაკების პროცესი იწყება ხელშეკრულების ერთი მხარის მიერ მეორე მხარისთვის გაგზავნილი წერილობითი შეტყობინებით.

17. ხელშეკრულების მოქმედების ვადა სხვა პირობები

17.1 წინამდებარე ხელშეკრულება ძალაში შედის ხელშეკრულების გაფორმების მომენტიდან და მოქმედებს 2022 წლის 31 დეკემბრის ჩათვლით.

17.2 ხელშეკრულება შედგენილია ელექტრონული ფორმით და დამოწმებულია ელექტრონული ხელმოწერით ან/და ელექტრონული შტამპით.

18. მხარეთა რეკვიზიტები

შემსყიდველი

სსიპ ღვინის ეროვნული სააგენტო

ს/კ 204446965

იურიდ. მის.: ქ. თბილისი, მ. გელოვანის გამზ. №6.

საბანკო რეკვიზიტები: სახელმწიფო ხაზინა, კოდი

ბ.კ. TRESGE22; ა/ა 200122900

ტელ.: 2 97 41 03

მიმწოდებელი

მის.:

საბანკო

რეკვიზიტები: ბანკის

კოდი: ანგარიში:

ტელ.

შესყიდვის ობიექტის აღწერასთან დაკავშირებული ინფორმაცია

☐ 1.1 მიუთითეთ შესყიდვის ობიექტის დასახელება

რთველის საკოორდინაციო შტაბის წევრებისა და ოპერატორებისათვის ბრენდირებული მაისურების შესყიდვა.

☐ ☐ 1.2 მიუთითეთ საქონლის/მომსახურების/სამუშაოს აღწერა (ტექნიკური დავალება), შესყიდვის ობიექტის რაოდენობა/მოცულობა

მაისური პოლო:

რაოდენობა - 455 ცალი;

მაისური (პოლოს ტიპის) მოკლე სახელოებით. გვერდითი ჭრილებით დაბოლოებაზე;

საყელო კლასიკური, სუფთად ნაქსოვი, ქსოვილის ფერის ტონალობაში. მოკლე მკლავი;

საკინძე არანაკლებ 3 ღილზე. ღილები ქსოვილის ფერის ტონალობაში;

ქსოვილის ტიპი 60 % ბამბა, 40 % პოლიესტერი,

ქსოვილის გრამაჟი 220 გრ/მ + 5 გრ/მ2.

ბრენდირება შემსყიდველთან შეთანხმებით სააგენტოს ლოგოთი და წარწერით,

ფერი მოთხოვნის შესაბამისად. წარწერის შესრულება მაღალი ხარისხის, მკაფიო

გამოსახულებებით და სწორად შერჩეული დიზაინით, ბრენდირების

ტექნოლოგია - ტრაფარეტული ბეჭდვა, ან თერმული ბეჭდვა შემსყიდველთან

შეთანხმებით. მაისურის ქსოვილი დამუშავებული უნდა იყოს გახუნების

საწინააღმდეგო საღებავით. მაისური ჩაკერილი ავერლოკის მანქანით.

მაისური მრგვალი ყელით:

რაოდენობა - 545 ცალი;

მაისური მოკლე სახელოებით. ქსოვილის ბოჭკოვანი შემადგენლობა:

არანაკლებ 90% ბამბა; ყელზე მომდგარი, ჩაკერებული, მაღალი ხარისხის ნაქსოვი რეზინით;

რეზინის სიმაღლე 1.8 სმ + 2 მმ ფაგლებში;

ნაქსოვი რეზინის მიმაგრების და მხრის მიდამოების შეერთების ადგილები დამუშავებული ტრიკოტაჟის დასამუშავებელი გვირისტით.

ქსოვილის წონა: 150 გრ/მ2 + 5 გრ/მ2. ნაკერების შესრულება დაიშვება სამკერვალო ძაფით,

ბამბის ძაფის უმეტესი წილის შემცველობით; ნაკერები თანაბარი,

პარალელური, სწორი, გამრუდებების გარეშე; - ბრენდირების ტექნოლოგია ტრაფარეტული ბეჭდვა ან თერმული ბეჭდვა შემსყიდველთან შეთანხმებით.

☐ 1.3 ატვირთეთ ფასების ცხრილი/ხარჯთაღრიცხვა



ფასების ცხრილი (დანართი #1).xlsx



☐ 1.4 მიუთითეთ საქონლის მიწოდების/მომსახურების გაწევის/სამუშაოს შესრულების ვადა

საქონლის მიწოდების ვადაა ხელშეკრულების გაფორმებიდან 10 კალენდარული დღე.

☐ 1.5 მიუთითეთ საქონლის მიწოდების/მომსახურების გაწევის/სამუშაოს შესრულების ფორმა და ადგილი

მიწოდების ადგილია ქ. თბილისი მარშალ გელოვანის გამზ. №6 (სსიპ - ღვინის ეროვნული სააგენტო).

☐ 1.7 მოითხოვება თუ არა ინფორმაცია საგარანტიო ვადის შესახებ?

კი

☐ ☐ 1.7.1 მიუთითეთ საგარანტიო ვადასთან დაკავშირებული მოთხოვნები

1. მიმწოდებელი უნდა იძლეოდეს გარანტიას, რომ მიწოდებისას საქონელს არ ექნება ხარვეზი, იქნება ხარისხიანი და სატენდერო დოკუმენტაციით გათვალისწინებული პირობების შესაბამისი.

2. მიმწოდებელი ვალდებულია საკუთარი სახსრებით უზრუნველყოს მიწოდებული საქონლის დაბალი ხარისხით გამოწვეული ყველა გამოვლენილი ხარვეზის ან/და დაზიანების გამოსწორება, მოთხოვნიდან არაუგვიანეს 2 სამუშაო დღისა.

3. მიწოდებულ საქონელზე უნდა ვრცელდებოდეს საგარანტიო პერიოდი, შესაბამისის მიღება-ჩაბარების აქტის გაფორმებიდან მინიმუმ 6 თვის განმავლობაში.

▼ ტექნიკური მოთხოვნები

☐ 2.1 მოითხოვება თუ არა ინფორმაცია შესყიდვის ობიექტის სასაქონლო ნიშნის, პატენტის, მოდელის, წარმოშობის წყაროს ან/და მწარმოებლის შესახებ?

კი

☐ ☐ 2.1.1 მიუთითეთ, თუ რა ინფორმაცია მოითხოვება შესყიდვის ობიექტის სასაქონლო ნიშანთან, პატენტთან, მოდელთან, წარმოშობის წყაროსთან ან/და მწარმოებელთან დაკავშირებით

პრეტენდენტმა უნდა უზრუნველყოს შესყიდვის ობიექტის წარმოშობის ქვეყანასთან/მწარმოებელ კომპანიასთან და მოდელთან დაკავშირებით ინფორმაციის წარმოდგენა ფასების ცხრილის დანართი №1-ში მითითებით.

- იმ შემთხვევაში თუ შემოთავაზებულ საქონელს არ გააჩნია მოდელი, პრეტენდენტმა შესაბამის ველში უნდა მიუთითოს "მოდელი არ გააჩნია".

☐ 2.2 მოითხოვება თუ არა ინფორმაცია პრეტენდენტის გამოცდილების შესახებ?

არა

☐ 2.3 მოითხოვება თუ არა ინფორმაცია პრეტენდენტის მატერიალურ-ტექნიკური ბაზის შესახებ?

არა

☐ 2.4 მოითხოვება თუ არა ინფორმაცია პრეტენდენტის პერსონალის გამოცდილების შესახებ?

არა

☐ 2.5 მოითხოვება თუ არა დეტალური ინფორმაცია საქონლის მიწოდების/მომსახურების გაწევის/სამუშაოს შესრულების ვადების შესახებ (გეგმა-გრაფიკი)?

არა

☐ 2.6 მოითხოვება თუ არა ინფორმაცია პრეტენდენტის ფინანსური შესაძლებლობების შესახებ (გარდა სარეგისტრაციო/უფლებრივი მონაცემებისა)?

არა

☐ 2.7 მოითხოვება თუ არა ინფორმაცია ლიცენზიასთან, აკრედიტაციასთან, სტანდარტებთან, ხარისხის შესაბამისობასთან და სხვ. დოკუმენტებთან დაკავშირებით?

არა

☐ 2.8 მოითხოვება თუ არა ინფორმაცია ქვეკონტრაქტორის შესახებ?

არა

☐ ☐ 2.9 სხვა დამატებითი მოთხოვნები (ველის შევსება არ არის სავალდებულო)

2.9.1 „ელექტრონული დოკუმენტისა და ელექტრონული სანდო მომსახურების შესახებ“ საქართველოს კანონის მე-3 მუხლის მე-3 და მე-4 პუნქტების საფუძველზე საჭიროებს კვალიფიციურ ელექტრონულ ხელმოწერას ან/და კვალიფიციურ ელექტრონულ შტამპის დასმას.

2.9.2. ტენდერთან დაკავშირებული დოკუმენტების ან/და ინფორმაციის უცხოურ ენაზე წარდგენის შემთხვევაში მათ უნდა დაერთოს ნოტარიულად დამოწმებული ქართული თარგმანი. ტექნიკური დოკუმენტაციის განხილვისას უცხოენოვან დოკუმენტსა და მის ქართულ ენაზე შესრულებულ თარგმანს შორის, პრიორიტეტის მინიჭების საკითხს წყვეტს სატენდერო კომისია.

▼ შესყიდვის ობიექტის ნიმუში ან/და ექსპერტიზის დასკვნა

☐ 3.1 მოითხოვება თუ არა ნიმუშის ან/და ნიმუშის ექსპერტიზის დასკვნის წარმოდგენა?

კი

☐ 3.1.1 მიუთითეთ ნიმუშთან ან/და ექსპერტიზის დასკვნასთან დაკავშირებული მოთხოვნები

პრეტენდენტმა შემსყიდველი ორგანიზაციის მოთხოვნის საფუძველზე უნდა წარმოადგინოს შემოთავაზებული საქონლის ნიმუში. (ერთი ერთეული პოლოს ტიპის მაისური და მაისური მრგვალი ყელით)

☐ 3.1.2 მიუთითეთ ნიმუშის ან/და ექსპერტიზის დასკვნის წარმოდგენის ვადა

მოთხოვნიდან 2 სამუშაო დღის ვადაში

☐ 3.1.3 მიუთითეთ ნიმუშის ან/და ექსპერტიზის დასკვნის წარმოდგენის ადგილი

ქ. თბილისი, მარშალ გელოვანის გამზ. N6. სსიპ - ღვინის ეროვნული სააგენტო.

▼ ფასწარმოქმნის ადეკვატურობის დამადასტურებელი დოკუმენტ(ებ)ი

☐ 4.1 მოითხოვება თუ არა სავარაუდო ღირებულებასთან შედარებით საბოლოო ფასის 20%-ით ან მეტით კლების შემთხვევაში ფასწარმოქმნის ადეკვატურობა?

კი

4.1.1 მიუთითეთ, კონკრეტულად თუ რა დოკუმენტ(ებ)ით უნდა დაასაბუთოს პრეტენდენტმა ფასწარმოქმნის ადეკვატურობა

თუ ტენდერში ყველაზე დაბალი ფასის წინადადების მქონე პრეტენდენტის მიერ სისტემაში დაფიქსირებული საბოლოო ფასი 20%-ით ან მეტით დაბალია შესყიდვის ობიექტის სავარაუდო ღირებულებაზე, პრეტენდენტი ვალდებულია დაასაბუთოს ფასწარმოქმნის ადეკვატურობა ექსპერტიზის ან აუდიტორის დასკვნით, რომელიც ადასტურებს პრეტენდენტის მიერ დაფიქსირებულ ფასად ხელშეკრულებით ნაკისრი ვალდებულებების შესრულების შესაძლებლობას. ექსპერტიზის ან აუდიტორის დასკვნასთან ერთად წარმოდგენილი უნდა იქნას „ბუღალტრული აღრიცხვის, ანგარიშგებისა და აუდიტის შესახებ“ საქართველოს კანონის შესაბამისად, უფლებამოსილი ორგანოს მიერ გაცემული საექსპერტო ან/და აუდიტორული საქმიანობის განხორციელების უფლების დამადასტურებელი დოკუმენტი (სერთიფიკატი და სხვა) ან სახელმწიფოს მიერ აღიარებული სხვა დამადასტურებელი დოკუმენტი. ასევე, შესაძლებელია სახელმწიფოს მიერ აღიარებული ორგანიზაციის მიერ გაცემული საექსპერტო დასკვნის წარმოდგენა.

4.1.2 მიუთითეთ ფასწარმოქმნის ადეკვატურობის დამადასტურებელი დოკუმენტ(ებ)ის წარმოდგენის ვადა

მოთხოვნიდან 2 სამუშაო დღის ვადაში

▼ სარეგისტრაციო/უფლებრივი მონაცემების ამსახველი დოკუმენტ(ებ)ი

5.1 მოითხოვება თუ არა პრეტენდენტის სარეგისტრაციო/უფლებრივი მონაცემების ამსახველი დოკუმენტ(ებ)ი?

არა

▼ ხელშეკრულების შესრულების უზრუნველყოფის გარანტია

6.5 მოითხოვება თუ არა ხელშეკრულების შესრულების უზრუნველყოფის გარანტია?

არა

▼ ანგარიშსწორების პირობები

7.1 გამოიყენება თუ არა წინასწარი ანგარიშსწორება?

არა

7.2 მიუთითეთ ეტაპობრივი ან/და საბოლოო ანგარიშსწორების განხორციელების პირობები

ანგარიშსწორება განხორციელდება მოწოდებული საქონლის შესაბამისი მიღება-ჩაბარების აქტის გაფორმების საფუძველზე.

7.3 მიუთითეთ ეტაპობრივი ან/და საბოლოო ანგარიშსწორების განხორციელების ვადები(სახელმწიფო შესყიდვების სააგენტოს რეკომენდაციაა ხელშეკრულების შესრულების დამადასტურებელი დოკუმენტის გაფორმებიდან არაუგვიანეს 10 სამუშაო დღე)

ხელშეკრულების შესრულების დამადასტურებელი დოკუმენტის გაფორმებიდან არაუგვიანეს 10 სამუშაო დღე.

▼ ხელშეკრულების პროექტი

8.1 ატვირთეთ ხელშეკრულების პროექტი



ხელშეკრულების პროექტი.pdf



▼ საკონტაქტო პირის შესახებ ინფორმაცია

☐ 9.1 მიუთითეთ სატენდერო კომისიის აპარატის საკონტაქტო წევრის ვინაობა და მონაცემები

თამარ ჯებაშვილი, 593459545, Tamar.Jebashvili@wine.gov.ge

▼ დამატებითი ინფორმაცია/დოკუმენტები

☐ ☐ 10.1 დამატებითი ინფორმაცია/დოკუმენტები (ველის შევსება არ არის სავალდებულო)

▼ სატენდერო პირობების დამტკიცების შესახებ სატენდერო კომისიის სხდომის ოქმი

☐ 11.1 ატვირთეთ სატენდერო პირობების დამტკიცების შესახებ სატენდერო კომისიის სხდომის ოქმი